



Broj/Broj: 01/a – 50 – 1 – 15 - 68/09
Sarajevo/Sarajevo: 30. 12. 2009.

ZAPISNIK
68. sjednice Predstavničkog doma
Parlamentarne skupštine Bosne i Hercegovine,
održane 30. 12. 2009.

Sjednica je počela u 10 sati. Prisustvovalo je 39 poslanika.

Opravdano je odsustvovao Rifat Dolić.

Iz Vijeća ministara BiH sjednici su prisustvovali ministri Safet Halilović, Bariša Čolak, Dragan Vrankić i zamjenik ministra Fuad Kasumović.

Iz međunarodnih organizacija sjednicu su pratili predstavnici OHR-a, USAID-a i EUSR-a. Sjednici su prisustvovali i studenti: Aldin Kozić, Emir Šabanić, Nesib Grabus i Selma Zec.

Prije nego što se prešlo na raspravu o dnevnom redu, u okviru prethodnih pitanja, predsjedavajući Živković informirao je Dom da je Centralna izborna komisija BiH, 25.12.2009., dostavila Domu Odluku o prestanku mandata poslaniku Sadiku Ahmetoviću, a 29.12.2009. Odluku o dodjeli mandata sljedećem kvalificiranom kandidatu, a to je gđa Lejla Klokić. Ova odluka postal je pravosnažna. Lejla Klokić je, 30.12.2009., potpisala izjavu o prihvatanju mandata. Predsjedavajući je pozvao Lejlu Klokić da da svečanu izjavu što je ona i učinila.

Predsjedavajući je ukratko obrazložio dopunu dnevnog reda, te je otvorio raspravu o dnevnom redu.

U raspravi su učestvovali Mirjana Malić i Sadik Bahtić.

Predsjedavajući je konstatirao da 68. sjednica Predstavničkog doma ima sljedeći

DNEVNI RED

1. Prijedlog zakona o Budžetu institucija Bosne i Hercegovine i međunarodnih obaveza Bosne i Hercegovine za 2010. godinu, predlažać: Predsjedništvo BiH, zakon broj 01, 02 – 02 – 4 – 120 / 09, od 21. 12. 2009. (drugo čitanje),
2. Izvještaj komisije Kolegija o nastojanju za postizanje saglasnosti o prijedlogu zaključka poslanika Martina Raguža sa 67. sjednice Doma koji glasi: „Povodom ranije donesenog zaključka Parlamentarne skupštine BiH o osiguravanju povoljnih kreditnih sredstava u inozemstvu za finansiranje povratka izbjeglica u iznosu od 400 miliona KM, Predstavnički dom Parlamentarne skupštine BiH obavezuje Vijeće ministara BiH da, u roku od šest mjeseci, osigura konkretan korak, tj. značajna finansijska sredstva za povratak kroz zaduživanje, te da o tome redovno (a najmanje svaka tri mjeseca) izvještava Predstavnički dom Parlamentarne skupštine BiH“.

Ad. 1. Prijedlog zakona o Budžetu institucija Bosne i Hercegovine i međunarodnih obaveza Bosne i Hercegovine za 2010. godinu, predlažać: Predsjedništvo BiH, zakon broj 01, 02 – 02 – 4 – 120 / 09, od 21. 12. 2009. (drugo čitanje)

Predsjedavajući je u uvodnim napomenama, između ostalog, rekao i to da je Kolegij Doma, u skladu s članom 128. stav (2) Poslovnika Doma, skratio rokove, te da u plenarnoj fazi amandmane brane: Momčilo Novaković (tri amandmana), Mirko Okolić (dva amandmana) Savo Erić i Sefer Halilović (po jedan amandman). Također je napomenuo i to da su amandmane uložili poslanik Remzija Kadrić i Klub poslanika SDP-a, ali da su oni neblagovremeno podneseni, pa se Dom o njima neće izjašnjavati.

U raspravi su učestvovali: Vinko Zorić, Sadik Bahtić, Remzija Kadrić, Zlatko Lagumdžija, Beriz Belkić, Momčilo Novaković, Drago Kalabić, Mirjana Malić, Selim Bešlić, Savo Erić, Husein Nanić, Sefer Halilović, Jerko Ivanković Lijanović, Bakir Izetbegović, Azra Hadžiahmetović, Mirko Okolić, Milorad Živković, Adem Huskić, Slavko Jovičić, Bariša Čolak te zamjenik ministra finansija i trezora Fuad Kasumović.

Tokom glasanja Dom se prvo izjašnjavao o amandmanima Momčila Novakovića. Amandmani nisu usvojeni a rezultati glasanja su sljedeći:

Amandman I. – „za“ šest, „protiv“ 27, četiri „suzdržana“.

Amandman II. – „za“ osam, „protiv“ 22, sedam „suzdržanih“.

Amandman III. – poslanik je odustao.

Zatim se Dom izjašnjavao o dva amandmana Mirka Okolića, koji također nisu usvojeni. Rezultati glasanja su sljedeći:

Amandman I. – „za“ osam, „protiv“ 20, osam „suzdržanih“.

Amandman II. – poslanik odustao.

Dom nije usvojio ni amandman Save Erića. Rezultat glasanja je:

Amandman I. – „za“ osam „protiv“ 17, 10 „suzdržanih“.

Sefer Halilović odustao je od svog amandmana.

Zatim se prešlo na glasanje o Prijedlogu zakona u drugom čitanju. „Za“ Prijedlog zakona glasalo je 30 poslanika (iz Federacije BiH 20, iz Republike Srpske 10), „protiv“ je glasalo devet poslanika, a niko nije bio „suzdržan“. Dom je usvojio Zakon o Budžetu institucija Bosne i Hercegovine i međunarodnih obaveza Bosne i Hercegovine za 2010. godinu u drugom čitanju, s amandmanima usvojenim u Izvještaju Komisije za finansije i budžet koji glase:

Amandman I.

U članu 3. Prijedloga zakona, u pojedinačnoj tabeli 3. „Ministarstvo odbrane BiH“, mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 712.000 KM, tako da se predloženi iznos od „14.477.000“ mijenja i sada glasi „13.765.000“;

- stavka „ugovorene i druge usluge“ smanjuje se za iznos od 83.000 KM, tako da se predloženi iznos od „5.004.000“ mijenja i sada glasi „4.921.000“;
- stavka „nabavka opreme“ smanjuje se za iznos od 33.000 KM, tako da se predloženi iznos od „4.218.000“ mijenja i sada glasi „4.185.000“.

Ovim izmjenama ukupan zbirni budžet Ministarstva odbrane BiH smanjuje se za 828.000, tako da se predloženi iznos od „335.404.000“ mijenja i sada glasi „334.576.000“.

Amandman II.

U članu 3. Prijedloga zakona, u pojedinačnoj tabeli 9. „Institucija ombudsmena za ljudska prava BiH“, mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 3.000 KM, tako da se predloženi iznos od „36.000“ mijenja i sada glasi „33.000“;
- stavka „ugovorene i druge usluge“ smanjuje se za iznos od 1.000 KM, tako da se predloženi iznos od „88.000“ mijenja i sada glasi „87.000“;

Ovim izmjenama ukupan zbirni budžet Institucije ombudsmena za ljudska prava BiH smanjuje se za 4.000, tako da se predloženi iznos od „2.725.000“ mijenja i sada glasi „2.721.000“.

Amandman III.

U članu 3. Prijedloga zakona, u pojedinačnoj tabeli 12. „Ministarstvo vanjskih poslova BiH“ mijenjaju se sljedeći iznosi:

- stavka „ugovorene i druge usluge“ smanjuje se za iznos od 104.000 KM, tako da se predloženi iznos od „3.838.000“ mijenja i sada glasi „3.734.000“;

Ovim izmjenama ukupan zbirni budžet Ministarstva vanjskih poslova BiH smanjuje se za 104.000, tako da se predloženi iznos od „60.472.000“ mijenja i sada glasi „60.368.000“.

Amandman IV.

U članu 3. Prijedloga zakona, u pojedinačnoj tabeli 14. „Agencija za promociju stranih investicija u BiH“, mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 2.000 KM, tako da se predloženi iznos od „18.000“ mijenja i sada glasi „16.000“;
- stavka „ugovorene i druge usluge“ smanjuje se za iznos od 1.000 KM, tako da se predloženi iznos od „173.000“ mijenja i sada glasi „172.000“;
- stavka „nabavka opreme“ smanjuje se za iznos od 2.000 KM, tako da se predloženi iznos od „40.000“ mijenja i sada glasi „38.000“.

Ovim izmjenama ukupan zbirni budžet Agencije za promociju stranih investicija u BiH smanjuje se za 5.000, tako da se predloženi iznos od „3.827.000“ mijenja i sada glasi „3.822.000“.

Amandman V.

U članu 3. Prijedloga zakona, u pojedinačnoj tabeli 15. „Ured za veterinarstvo BiH“ mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 6.000 KM, tako da se predloženi iznos od „77.000“ mijenja i sada glasi „71.000“;

- stavka „ugovorene i druge usluge“ smanjuje se za iznos od 4.000 KM, tako da se predloženi iznos od „746.000“ mijenja i sada glasi „742.000“;
- stavka „nabavka opreme“ smanjuje se za iznos od 5.000 KM, tako da se predloženi iznos od „450.000“ mijenja i sada glasi „445.000“.

Ovim izmjenama ukupan zbirni budžet Ureda za veterinarstvo BiH smanjuje se za 15.000, tako da se predloženi iznos od „5.352.000“ mijenja i sada glasi „5.337.000“.

Amandman VI.

U članu 3. Prijedloga zakona, u pojedinačnoj tabeli 19. „Direkcija za civilno zrakoplovstvo BiH“ mijenjaju se sljedeći iznosi:

- stavka „nabavka opreme“ smanjuje se za iznos od 35.000 KM, tako da se predloženi iznos od „570.000“ mijenja i sada glasi „535.000“.

Ovim izmjenama ukupan zbirni budžet Direkcije za civilno zrakoplovstvo BiH smanjuje se za 35.000, tako da se predloženi iznos od „6.825.000“ mijenja i sada glasi „6.790.000“.

Amandman VII.

U članu 3. Prijedloga zakona, u pojedinačnoj tabeli 21. „Ministarstvo finansija i trezora BiH“ mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 4.000 KM, tako da se predloženi iznos od „51.000“ mijenja i sada glasi „47.000“;
- stavka „ugovorene i druge usluge“ smanjuje se za iznos od 9.000 KM, tako da se predloženi iznos od „453.000“ mijenja i sada glasi „444.000“;

Ovim izmjenama ukupan zbirni budžet Ministarstva finansija i trezora BiH smanjuje se za 13.000, tako da se predloženi iznos od „8.348.000“ mijenja i sada glasi „8.335.000“.

Amandman VIII.

U članu 3. Prijedloga zakona, u pojedinačnoj tabeli 23. „Ministarstvo za ljudska prava i izbjeglice BiH“ mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 12.000 KM, tako da se predloženi iznos od „133.000“ mijenja i sada glasi „121.000“;
- stavka „ugovorene i druge usluge“ smanjuje se za iznos od 8.000 KM, tako da se predloženi iznos od „904.000“ mijenja i sada glasi „896.000“;
- stavka „nabavka opreme“ smanjuje se za iznos od 7.000 KM, tako da se predloženi iznos od „135.000“ mijenja i sada glasi „128.000“.

Ovim izmjenama ukupan zbirni budžet Ministarstva za ljudska prava i izbjeglice BiH smanjuje se za 27.000, tako da se predloženi iznos od „12.754.000“ mijenja i sada glasi „12.727.000“.

Amandman IX.

U članu 3. Prijedloga zakona, u pojedinačnoj tabeli 26. „Ministarstvo sigurnosti BiH“ mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 9.000 KM, tako da se predloženi iznos od „101.000“ mijenja i sada glasi „92.000“;

Ovim izmjenama ukupan zbirni budžet Ministarstva sigurnosti BiH smanjuje se za 9.000, tako da se predloženi iznos od „11.672.000“ mijenja i sada glasi „11.663.000“.

Amandman X.

U članu. 3. Prijedloga zakona, u pojedinačnoj tabeli 27. „Državna agencija za istrage i zaštitu“, mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 62.000 KM, tako da se predloženi iznos od „733.000“ mijenja i sada glasi „671.000“;
- stavka „ugovorene i druge usluge“ smanjuje se za iznos od 5.000 KM, tako da se predloženi iznos od „1.016.000“ mijenja i sada glasi „1.011.000“;

Ovim izmjenama ukupan zbirni budžet Državne agencija za istrage i zaštitu smanjuje se za 67.000, tako da se predloženi iznos od „60.075.000“ mijenja i sada glasi „60.008.000“.

Amandman XI.

U članu 3. Prijedloga zakona, u pojedinačnoj tabeli 44. „Uprava Bosne i Hercegovine za zaštitu zdravlja bilja“ mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 2.000 KM, tako da se predloženi iznos od „27.000“ mijenja i sada glasi „25.000“;
- stavka „ugovorene i druge usluge“ smanjuje se za iznos od 2.000 KM, tako da se predloženi iznos od „106.000“ mijenja i sada glasi „104.000“;

Ovim izmjenama ukupan zbirni budžet Uprave Bosne i Hercegovine za zaštitu zdravlja bilja smanjuje se za 4.000, tako da se predloženi iznos od „1.315.000“ mijenja i sada glasi „1.311.000“.

Amandman XII.

U članu 3. Prijedloga zakona, u pojedinačnoj tabeli 46. „Agencija za sigurnost hrane Bosne i Hercegovine“ mijenjaju se sljedeći iznosi:

- stavka „ugovorene i druge usluge“ smanjuje se za iznos od 2.000 KM, tako da se predloženi iznos od „657.000“ mijenja i sada glasi „655.000“;

Ovim izmjenama ukupan zbirni budžet Agencije za sigurnost hrane Bosne i Hercegovine smanjuje se za 2.000, tako da se predloženi iznos od „2.921.000“ mijenja i sada glasi „2.919.000“.

Amandman XIII.

U članu 3. Prijedloga zakona, u pojedinačnoj tabeli 50. „Služba za poslove sa strancima Bosne i Hercegovine“ mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 14.000 KM, tako da se predloženi iznos od „154.000“ mijenja i sada glasi „140.000“;

Ovim izmjenama ukupan zbirni budžet Službe za poslove sa strancima Bosne i Hercegovine smanjuje se za 14.000, tako da se predloženi iznos od „8.787.000“ mijenja i sada glasi „8.773.000“.

Amandman XIV.

U članu 3. Prijedloga zakona, u pojedinačnoj tabeli 52. „Komisija za koncesije Bosne i Hercegovine“ mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 1.000 KM, tako da se predloženi iznos od „15.000“ mijenja i sada glasi „14.000“;
- stavka „ugovorene i druge usluge“ smanjuje se za iznos od 2.000 KM, tako da se predloženi iznos od „46.000“ mijenja i sada glasi „44.000“;

Ovim izmjenama ukupan zbirni budžet Komisije za koncesije Bosne i Hercegovine smanjuje se za 3.000, tako da se predloženi iznos od „1.208.000“ mijenja i sada glasi „1.205.000“.

Amandman XV.

U članu 3. Prijedloga zakona, u Tabeli 3. „Raspored rashoda po budžetskim korisnicima“, u dijelu „99992 Rezerviranja“, tačka 2. „Rezerviranja za kapitalna ulaganja“ povećava se za 1.130.000 KM, tako da se predloženi iznos od „10.000.000“ mijenja i sada glasi „11.130.000“.

U skladu s amandmanima od I. do XV. mijenjaju se iznosi u svim zbirnim i pojedinačnim tabelama u Prijedlogu budžeta institucija BiH i međunarodnih obaveza BiH za 2010. godinu.

Amandman XVI.

U članu 3. Prijedloga zakona, u Tabeli 3. „Raspored rashoda po budžetskim korisnicima“, u dijelu „99992 Rezerviranja“, tačka 1. „Tekuća rezerva“ smanjuje se za 500.000 KM, tako da se predloženi iznos od „4.650.000“ mijenja i sada glasi „4.150.000“.

U istom članu 3. Prijedloga zakona, u pojedinačnoj tabeli 1. „Parlamentarna skupština Bosne i Hercegovine“ mijenjaju se sljedeći iznosi:

- stavka „ugovorene i druge usluge“ povećava se za iznos od 500.000 KM, tako da se predloženi iznos od „1.575.000“ mijenja i sada glasi „2.075.000“;

Ovim izmjenama ukupan zbirni budžet Parlamentarne skupštine Bosne i Hercegovine povećava se za 500.000, tako da se predloženi iznos od „16.174.000“ mijenja i sada glasi „16.674.000“.

U skladu sa usvojenim amandmanom, mijenjaju se iznosi u svim zbirnim i pojedinačnim tabelama u Prijedlogu budžeta institucija BiH i međunarodnih obaveza BiH za 2010. godinu.

Nakon toga, Dom je glasao o predloženim zaključcima kako slijedi:

Zaključak Huseina Nanića usvojen je jednoglasno, sa 39 glasova „za“ (iz Federacije BiH 26, iz Republike Srpske 13). Zaključak glasi:

Zadužuje se Vijeće ministra BiH da uradi i u Predstavnički dom PSBiH dostavi informaciju o zakupu svih prostora koji se finansiraju iz budžeta institucija BiH. Rok za dostavljanje informacije je 30 dana.

Zaključci Kluba poslanika SNSD-a usvojeni su sa 33 glasa „za“ (iz Federacije BiH 23, iz Republike Srpske 10), bez glasova „protiv“ i tri „suzdržana“ glasa. Sadržaj zaključaka je:

1.1.Zbog neizvršavanja, Predstavnički dom povlači svoje zaključke sa:

a) 7.sjednice, održane 12.4.2008. , zaključak usvojen prilikom razmatranja Prijedloga zakona o budžetu institucija BiH, pod rednim brojem 4.

„Predstavnički dom zahtijeva da Vijeće ministara BiH, zajedno sa Izvještajem o izvršenju Budžeta za 2006. godinu, pripremi i Parlamentarnoj skupštini BiH na razmatranje dostavi plan za racionalizaciju i smanjenje troškova zakupa poslovnih prostora za rad institucija BiH.,,;

b) 22.sjednice, 20.2.2008. , zaključak:

„Zadužuje se Vijeće ministara BiH da sačini program/plan aktivnosti na rješavanju smještaja institucija BiH, kako bi se umanjili troškovi zakupa. ,,;

c) 41.sjednice, 3.12.2008., zaključak:

„Predstavnički dom Parlamentarne skupštine BiH zadužuje Vijeće ministara BiH da, uz Zakon o Budžetu institucija BiH i međunarodnih obveza BiH za 2009. godinu, dostavi i Program/plan aktivnosti na rješavanju smještaja institucija BiH.“

1.2. Zadužuje se Vijeće ministara BiH da:

a) u roku od mjesec dana dostavi Parlamentarnoj skupštini BiH ažuriran i detaljan spisak institucija BiH koje trenutno zakupljuju prostor uključujući i visinu tih zakupa, kao i sadržaj ugovora o zakupu.

b) u istom vremenskom roku dostavi plan za rješavanje smještaja institucija BiH za 2010. godinu.

1.3. Zadužuje se Vijeće ministara BiH da tromjesečno izvještava Parlamentarnu skupštinu BiH o:

a) ažuriranim spiskovima institucija BiH koje koriste zakupljeni prostor

b) visini mjesečnih naknada za zakup za svaku instituciju pojedinačno

c) realiziranim i planiranim nabavkama zemljišta, građevinskih objekata, poslovnih prostora i drugih adekvatnih objekata, kao i izgradnji prostora za smještaj institucija BiH.

Predstavnički dom je, s 31 glasom „za“ (iz Federacije BiH 18, iz Republike Srpske 13), bez glasova „protiv“ i pet „suzdržanih“ glasova, usvojio zaključak Momčila Novakovića koji glasi:

Obavezuje se Vijeće ministara BiH da iz sredstava tekuće rezerve osigura 200.000,00 KM za rješavanje problema radnika koji su u Republici Hrvatskoj ostali bez posla u periodu od 1991. do 1995.godine.

Predstavnički dom usvojio je zaključak Sefera Halilovića koji glasi:

Predstavnički dom Parlamentarne skupštine BiH traži da se u okviru stavke 'Naknade troškova zaposlenih' osiguraju sredstva za rad Istražne komisije za utvrđivanje trošenja donatorskih sredstava i to za realizaciju projekta „Utvrdjivanje trošenja donatorskih sredstava“ u iznosu od 41.291,76KM.

Rezultati glasanja su sljedeći: „za“ je glasalo 36 poslanika (iz Federacije BiH 26, iz Republike Srpske 10), jedan je bio „protiv“ i jedan „suzdržan“.

„Za“ zaključak Vinka Zorića glasalo je 15 poslanika (iz Federacije BiH 12, iz Republike Srpske tri), 10 je glasalo „protiv“, a 14 je bilo „suzdržano“. Predsjedavajući je konstatirao da nema dovoljne entitetske većine, pa će se Kolegij kao komisija pokušati usaglasiti u roku od tri dana, o čemu će Dom biti obaviješten. Zaključak glasi:

Iz budžetske rezerve bit će izdvojeno 700.000 KM za vrhunske rezultate sportista. Sredstvima će raspolagati Ministarstvo civilnih poslova BiH, odnosno Vijeće ministara BiH, po jasno utvrđenim kriterijima a dobiti ih mogu savezi registrirani na nivou Bosne i Hercegovine čije su reprezentacije postigle uspjehe na međunarodnim takmičenjima.

Sredstva se dodjeljuju tokom godine kad bude ostvaren dobar rezultat. Isto tako, Ministarstvo može podržati međunarodna takmičenja na nivou reprezentacija.

I na kraju, Dom je, s 32 glasa „za“ (iz Federacije BiH 22, iz Republike Srpske 10), jednim glasom „protiv“ i četiri „suzdržana“ glasa, usvojio zaključak Mirka Okolića koji glasi:

Zadužuje se Vijeće ministara BiH da u roku od 30 dana PSBiH dostavi ugovore o zakupu poslovnih prostora koje koriste institucije BiH koji su na snazi, kao i prethodne ugovore koji su vezani za sadašnje ugovore.

Ad. 2. Izvještaj komisije Kolegija o nastojanju za postizanje saglasnosti o prijedlogu zaključka poslanika Martina Raguža sa 67. sjednice Doma koji glasi: „Povodom ranije donesenog zaključka Parlamentarne skupštine BiH o osiguravanju povoljnih kreditnih sredstava u inozemstvu za finansiranje povratka izbjeglica u iznosu od 400 miliona KM, Predstavnički dom Parlamentarne skupštine BiH obavezuje Vijeće ministara BiH da, u roku od šest mjeseci, osigura konkretan korak, tj. značajna finansijska sredstva za povratak kroz zaduživanje, te da o tome redovno (a najmanje svaka tri mjeseca) izvještava Predstavnički dom Parlamentarne skupštine BiH“

Predsjedavajući je podsjetio da Kolegij nije postigao saglasnost.

U drugom krugu glasanja, Dom je, s 23 glasa „za“, šest glasova „protiv“ (iz Republike Srpske) i jednim „suzdržanim“ glasom, usvojio prijedlog zaključka poslanika Martina Raguža.

Time je realiziran dnevni red.

Predsjedavajući je, na kraju sjednice, napomenuo da će se 69. sjednica održati odmah nakon 68. sjednice.

Sjednica završena u 12, 55 sati.

Sastavni dio Zapisnika je transkript 68. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
dr. Milorad Živković